



Graduan Harus Atasi Masalah Sumber Asli dan Komoditi Pertanian



Tan Sri Nayan menyampaikan ijazah kepada Teng Wern Jyot yang merupakan antara pemenang hadiah peringkat universiti.

SERDANG, 13 Oktober – Graduan disiplin pertanian tropika diseru terlibat menyelesaikan masalah berkaitan dengan sumber asli dan komoditi pertanian.

Pro Canselor UPM, Tan Sri Dato' Dr. Nayan Arifin berkata bagi memelihara keseimbangan manusia sejagat, kedua-dua masalah itu perlu dititikberatkan untuk menjamin kesejahteraan hidup manusia.

"Faktor seperti perubahan cuaca, penggunaan sumber yang tidak lestari, tekanan sosio-ekonomi, permintaan ke atas makanan dan input pertanian yang menyebabkan sumber dan komoditi ini terjejas.



Tan Sri Nayan ketika menyampaikn ucapannya pada Majlis Konvokesyen ke 34

"Tenaga pakar daripada para graduan UPM diharap dapat menyelesaikan masalah-masalah itu selaras dengan tagline UPM, Peneraju Dunia Dalam Pertanian Tropika Baharu," katanya semasa menyampaikan ucapan pada Majlis Konvokesyen ke 34 UPM.

Tan Sri Nayan berkata UPM dapat menjadi sebuah institusi pengembangan pertanian yang profesional dengan menghasilkan graduan berprestij dan produk penyelidikan berimpak tinggi dalam pertanian tropika baharu.

Pada majlis sesi kesembilan itu, Tan Sri Nayan mengurniakan ijazah dan diploma kepada 774 graduan sementara sesi kesepuluh pada sebelah petang seramai 797 graduan menerima ijazah dan diploma daripada Tan Sri Dato' Seri Lim Ah Lek.

**Berita ini disediakan oleh Seksyen Media, Bahagian Komunikasi Korporat UPM.
(Mohd Faisal Md Noor, 03-89466013, Fotografi Unit Foto BKK 03-89466199).**

Hak Cipta Terpelihara 2007
Universiti Putra Malaysia